



**V** Bbo filius fuit Magog, natu minimus. Is post fratrem Suenonem, ob plurimas uirtutes rex Sueonum electus fuit, anno post diluuium ducentesimo quadragesimo sexto, qui erat mundi millesimus noningentesimus tertius. Ab hoc Vbbone ante tempora Abrahamæ ædificata est urbs Upsalia, propterea quod ab Vbbone ad Salam fluuium esset fundata. Hæc postea adeo excreuit, ut principes Sueonum Upsalenses reges dici uoluerint. Itaque Vbbo ob uitæ integritatem, & leges ijs in locis latis, magnū apud posteritatem nomen adeptus est. Tandem cum longo tempore optimè in ea Germaniæ parte, quæ ad Septentrionem & mare Germanicum uergit, præ-

fuisse, magno suorum desiderio obiit, & ibidem sepultus quiescit. Ioan. Mag. in Hist. Goth. lib. 1. cap. 6.